

Գ. ՍԵՆՓԱՆՅԱՆ

ԱՌԱՔԵԼ ԱՐԱՐԱՏՅԱՆԻ ԵՐԿՈՒ ԶԵՌԱԳԻՐ ՏԵՏՐԱԿՆԵՐԸ

Հայկական ՍՍՌ Գրական Ռանդարանը վերջերս երևանաբնակ ընկեր Հովհաննես Քանանյանի միջոցով ձեռք է բերել հաշատուր Աբովյանի դասընկեր Առաքել Արարատյանի երկու սովոր տետրակները, որոնք պարունակում են հեղինակի բաղմախիվ ինքնուրույն և թարգմանական ստեղծագործությունները, ինչպես նաև իր ժամանակակիցներից մի քանիսից բանաստեղծություններ, արձակ էջեր, նամակներ, ճառեր, ուղերձներ և այլն, մեծ մասամբ անտիպ ու մինչև այժմ անհայտ մեր բանասիրության համար¹։

Գրական այս հարուստ ժառանգությունը մեծապես կարող է օգտակար լինել Աբովյանի կյանքն ու ստեղծագործությունը հանգամանորեն ուսումնասիրողներին և հարուստ նյութ տալ՝ Աբովյանի ապրած ժամանակաշրջանի մասին։

Մեր կարծիքով դժվար է մեծ լուսավորչի պայծառ կերպարը հարազատորեն գծել, առանց նրա ժամանակակիցների, հատկապես նրա դասընկերների գրական արտադրանքը բարեխղճորեն ուսումնասիրելու։ Աբովյանը ծնունդն է հասարակական-բաղաքական մի միջավայրի, որտեղ զարգացել ու գործել են բաղմախիվ ուրիշ մարդիկ, որոնք իրենց լույսն են մտցրել թե հայ նոր գրականության և թե աշխարհաբար լեզվի սկզբնավորման գործում և որոնցից մի քանիսը իրենց աշխարհայացքի սահմանափակվածությամբ և տաղանդի պակասով մնացել են Աբովյանի կանգնած բարձրագագաթ սարի ստորոտներում։

Աբովյանի գրական ու հասարակական այդ միջավայրի ընկերներն են Ստ. Նազարյանցը, Գալուստ Շերմաղանյանը, Առաքել Արարատյանը և Մսեր Մսերյանցը։

Դժբախտաբար սրանցից միայն Ստ. Նազարյանցն է, որ թե նախառևուցիկոն շրջանում և թե սովետական շրջանում արժանացել է բանասերների և պատմաբանների ուսումնասիրությանը։ Գալուստ Շերմաղանյանը, Մսեր Մսերյանցը և Առաքել Արարատյանը գրեթե անծանոթ են մնում մեր օրերում, այնինչ նրանք հայտնի անձնավորություններ են եղել և նրանցից մեկին՝ Գ. Շերմաղանյանի անվան հետ է կապվում արևելահայ թատրոնի սկզբնավորումը, իսկ Ա. Արարատյանը, գրական այդ նույն դպրոցի ավելի պահպանողական թևին պատկանող մի անձնավորություն, ներկայում է մեղ 19-րդ դարի կեսերի ուշագրավ դեմքերից մեկը, որը փորձել է գրել արձակ և չափածո դորձեր, մեծ մասամբ գրաբար, և դեռևս աշխարհաբար։

¹ Առաքել Արարատյանի տետրակները երկար տարիներ գտնվելիս են եղել Ռիգայում, Արարատյանի ժառանգների մոտ։

Առաքել Արարատյանի այս երկու տարակներում եղած նյութերից ուշագրավ են հատկապես հետևյալները.

1. Ա. Արարատյանի երկու ոտանավորները Արավյանի մասին, երկուսն էլ անտիպ, 1837 թվականին Մսեր Մսերյանցի պրած մեկ նամակը ևս. Արավյանին:

2. Մ. Բաղդիսյանցին վերաբերող նյութերը, որոնց մեջ կարևոր են նրա մի քանի քանաստեղծությունները:

3. Հ. Ալամդարյանի մի շարք քանաստեղծությունները և նրա մահվան ամփիվ գրված ոտանավորներն ու դամբանականները:

4. Ստ. Նազարյանցին վերաբերող նյութերը, այդ թվում Ա. Արարատյանի ոտանավորները ուղղված Նազարյանին և Նազարյանի աշակերտական տարիների ոտանավորները:

5. Բազմամփիվ նամակներ, պրություններ, որոնց հեղինակներից մի քանիսն անծանոթ են և պատկանում են ներսիսյան դպրոցի շուրջը համախմբված մտավորական սերնդին (Գ. Շերմազանյան, Գրիգոր Մելիքյան, Հովհաննես Կամխարյան և ուրիշներ):

6. Հայ-ոռուս հարաբերություններին վերաբերող մի շարք նյութեր, նամակներ, ճառեր, ուղերձներ և այլն:

7. Իր՝ Ա. Արարատյանի ինքնուրույն և թարգմանական ստեղծագործությունները, մասնավորապես նրա գրաբար և աշխարհաբար առակները, որոնք ամբողջացնում են Արարատյանի հեղինակային դեմքը:

Տեսրակներից մեկը, որը կազմված է 1828—29 ուսումնական տարում, ամենայն հավանականությամբ նախատեսված է հրատարակության համար՝ և ունի հետևյալ վերնագիրը—

«Արդասիք Ներսիսեան դպրատան Յերկուս հատուր քաղկացելալ Հատոր Ա. Չորում ժողովին իբր արմտիք ի շտեմարան ղանաղան արձակ շարադրութիւնք, ճարտասանական ճառք, քարոզք, հատընտիր օրինակք նամակագրութեանց և այլ ինչ բանք շարադրելալ և ուսնդնաբոբոք քարենախանձ աշակերտաց Ներսիսեան դպրատան հինգ և չորս դասատնաց, լամսն 1828 և 1829 և յայս արձանագրելալ ըստ կարգի երկրորդական ուսման իւրեանց և իւրաքանչիւրոյն հատուկ ձեռագրօք անդերձ ստորագրութեամբ անուանց իւրեանց և մականուանց և նշանակութեամբ թուոց աւուրց ամսոց և ամաց, իսկ ապագայ ամացն ժողովելոյ զարմտիս նոցա թողցուք նմին ապագային, և մեք ղնիրկայէս և զանցելոցն միայն լաւտն հարցուր փոյթեալնդնաւէր հոգունակութեամբ»:

Այս առաջին տետրակը պարունակում է բազմամփիվ ճառեր, արտասանված դպրոցական հանդեսներում, ժողովներում, դամբանականներ, խոսված նշանավոր հանգուցյալների համար, ոտանավորներ, արձակ գրություններ, նամակներ, և այլն:

Մսեր Մսերյանցի պրություններից ուշագրավ է նրա վերահիշյալ նամակը

¹ Ներսիսյան դպրոցի աշակերտներ Գալուստ Շերմազանյանի, Սա. Նազարյանցի, Ա. Արարատյանի, Գրիգոր Մելիքյանի 1828 թվի աշակերտական ստեղծագործությունները լույս են տեսել 1928 թվին Վերախայրիք Ներսիսեան դպրոցի ժողովածուի մեջ, քաղկացած երեւո մասից: Ըստ երեւոյթին Արարատյանի կազմած այս ժողովածուն լինելու էր նրա շարունակությունը:

հասցեագրված Խ. Աբովյանին 1837 թվականին, Աբովյանի Դորպատից վերադառնալու և նոր աշխատանքի անցնելու առիթով, նամակը գրված է Հնչեշտից, Քիշնևի մոտ մի կալվածք, որտեղ ապրում էր Մսերյանցը:

Այս նամակը, որի բնագիրը գտնվում է Հայկական ՍՍՌ Գրական Թանգարանի արխիվում և հրատարակված է Աբովյանի «Դիվանի» Ա. հատորում, մինչև այժմ բանասերների ուշադրությունը չի գրավել, այնինչ պարունակում է ուշագրավ դիտողություններ, հատկապես Աբովյանի շուրջը ստեղծված հալածանքի մասին:

Ամենից առաջ հարց է ծագում. ի՞նչպես է պատահել, որ Աբովյանին հասցեագրված նամակը ընկել է Արարատյանի ձեռքը և արտագրվել նրա տետրակում: Ինքը՝ Խ. Աբովյանն է արտագրել և նրան տվել, թե՛ մի այլ ճանապարհով է հասել Արարատյանին: Մյուս կողմից՝ հայտնի է, որ Մսերյանցը Աբովյանին դրել է բազմաթիվ նամակներ, թե Աբովյանի Դորպատում գտնվելու տարիներին և թե վերադառնալուց հետո, ինչու և հատկապես այդ նամակն է ընկել տետրակի մեջ:

Մեզ թվում է, որ ինքը՝ Խ. Աբովյանն է հանձնել Արարատյանին և այդ ընտրությունն էլ կատարել է այն պատճառով, որ հիշյալ նամակում խիստ քննադատության է ենթարկվում էջմիածնի հայ հոգևորականությունը, որը չկարողանալով գնահատել Աբովյանի մեծությունը, հալածանքի մթնոլորտ է ստեղծել նրա շուրջը և պատճառ դարձել, որ Աբովյանը պաշտոնի անցնի Թիֆլիսում:

Ո՞ր ես, Խաչատուր իմ,— գրում է Մսերյանցը,— ի Տփլիսի՝ Բարևք է: Այլ զարմանք էր աղապա չկարկառու քեզ միտիթարութիւն ստինս հայրենիդ աշխարհ, յոր հայեր քո ամենայն ջանքի Զճանաչլ՝ քեզ: Քարկոծելի երախտամոռութիւնս:

Այսպիսի ցասումնալից տողերով քննադատելով Աբովյանի հակառակորդներին, Մսերյանցը շարունակում է.

«Ո՞չ, գու ա՛յն ես, որ ի սէր նորուն քուրձ պանդխտութեան զանձամբ արկեր զամս վեց: Կոխեցեր զառասպարս, անցէր ընդ շէնս և ընդ անշէնս: Իսկ այժմ խնդրես հանգիստ և ո՛չ դուանես: Այդպէս դառն են հայրենիք ի մոտոյ և դոյն աղէտք են, եղբայր, որք վտարանդեցին զարս իմաստունս, և ածին զհամայնաւեր վաղահաս կործանումն, արքայութեան Հայկազանցս»:

Մսերյանցը իր նամակի շարունակությամբ մեջ խորհուրդ է տալիս Աբովյանին ոչ ոքի վրա հույս չդնել, իր բախտը տնօրինել անձամբ, որովհետև զի է հասեալ ժամանակ կատարեալ լուսաւորութիւն ազգիս և զիա ըզ զքանքար իմաստնոյդ ճանաչել կարասցէ, որք քան զամենայն ինչ արուեստ մեծ համարին լինել սոսկ վաճառիկ...»:

Բավականաւշափ խիստ այս նամակից երևում է, որ Աբովյանի շուրջ ստեղծված հալածանքը մեծ դայրույթ է պատճառել Աբովյանի հետ անկեղծ սիրով կապված բոլոր ընկերներին:

Անհամեմատ ավելի ուշագրավ է Արարատյանի երկրորդ տետրակը, որը ինչպես երևում է բովանդակությունից, արդեն զուտ հեղինակի գրչին պատկանող նյութեր են և ամենայն հավանականությամբ Արարատյանը մտադիր է եղել հրատարակել, որպես իր երկերի ժողովածուն:

Այս նոր տետրակը սկսված է 1855 թվին, բայց ավարտված է 1870 թ. և ունի հետևյալ տիտղոսաթերթը.

Չափարանական և արձակ քերթվածք Առաքել վարժուպետի Արարա-
տեանց: Ժամանակս ժամանակս անդստին յաշակերտութիւնս իւրմէ և այժմ
աստ ի մի վայր իմբագրեալ ի պէտս բանասիրաց իւրովք իսկ ձեռամբ յամի
1855 $\frac{1}{14}$ ԹՅԴ Ի Տփլիս»:

Տետրակում զետեղված են Արարատյանի պատանեկական հասակից գրած ոտանավորները, ճառերը, բարոյախոսական, խրատական գրությունները, որոնց մեջ ուշագրավ են հատկապես «Բ դարձ ներսիսի վիճակաւոր արք-
եպիսկոպոսի ի պատերազմին ոռոսաց ընդ պարսից, ի Տփլիս ի 1 յունիսի
1828 ամի», «Ի դարձ ներսիսի ի Ռուսիոյ, ի հայրապետութեան ամենայն
հայոց ի Տփլիս, ի 17 դեկտեմբերի 1845 ամի ի բերանոյ հայազուն աշակեր-
տաց զիմնագիւյի յետ վեց աւուրց» «Ճառ առաջին ընդ մուտ Յովհաննու
արքեպիսկոպոսի Կարբեցոյ ի Տփլիս յառաջնորդութեան հայոց Վրաստանի
ի բերանոյ համրակաց ներսիսեան պարատան, ի 4 նոյեմբերի 1830 ամի»,
ինչպէս նաև ոտանավորների այն շարքը, որ վերնագրված է «Ազատութիւն
աթոռամոյն էջմիածնի յիշխանութենէ պարսից և անկանիլ նորա ի ձեռս ա-
մենօրհնեալ տերութեան ոռոսաց ի ձեռն Պասկևիչ զորագլխին ի մին հոկտեմ.
1827 ամի»:

Սրանց մեջ ամենից առաջ երևում է այն ջերմ վերաբերմունքը, որ ունի
Առաքել Արարատյանը ոռոսական դրավոմիւնի յեկամամբ և հատկապէս
ոռոս մեծ ժողովրդի եղբայրական օգնութեան մասին, վերաբերմունք, որ իր
փայլուն արտահայտությունն է գտել խաշատուր Աբովյանի անմահ «Վերք
Հայաստանի» վեպում և այլ ստեղծագործություններում:

Առաքել Արարատյանի ինքնուրույն և թարգմանական այս տետրակում,
որտեղ մեծ տեղ են բռնում կրոնական, միստիկական նյութերը, նրա բարո-
յախոսական ոտանավորները ապերախտութեան, արիւթեան, սիրո, հեղու-
թեան, բարեկամութեան, աշխարհի ունայնութեան և այլ հարցերի մասին, ու-
շագրավ են հատկապէս հեղինակի բաղմաթիւ ինքնուրույն և թարգմանական
առակները:

Այս առակներով Արարատյանը ներկայանում է մեզ իբրև շնորհալի ա-
ռակագիր, թե որպէս ինքնուրույն ստեղծագործող և թե մանավանդ որպէս ա-
ռակագիր թարգմանիչ, ըստ որում առավելապէս իբրև Կոիլովի առակների
թարգմանիչ: Այսպիսով Արարատյանն իր տեղն է նվաճում մի կողմից հայ
առակագրութեան մեջ, մյուս կողմից հայ-ոռոսական պրական կուլտուրական
կապերի զարգացման մեջ:

Առաքել Արարատյանի տետրակներում եղած նյութերի մանրամասն ու-
սումնասիրությունը թողնելով այլ առիթի, ծանոթանանք Աբովյանին նվիրված
նրա երկու ոտանավորներին¹:

¹ Արարատյանը, թե ուսման շրջանում ե թե հետագայում, մատկից կամ նամակա-
գրութեամբ կապ է ունեցել Աբովյանի հետ: Խ. Աբովյանին հասցեագրված նամակներից
20-ը այժմ պահւում են Հայկական ՍՍՏԻ Գրական Թանգարանում: Դրանցից երկուսը
զետեղված է Աբովյանի «Ինքնի» Ա. հատորում, իսկ մյուսները տպագրված են Բ. հա-
տորում:

Թե Առաքել Արարատյանի հիշյալ նամակներից ե թե մանավանդ նորահայտ երկու

Ոտանավորներից մեկը դրված է Արովյանի ամուսնության առթիվ և ունի հետևյալ վերնագիրը՝ «Առ նորապսակ Խաչատուր Ապովեան ի 14 սեպտեմբերի 1839 թ. ի Տփլիս», երկրորդը դրված է Արովյանի անհայտացումից մի քանի տարի հետո:

Ամուսնության առթիվ դրված ոտանավորը ամենից առաջ մի շերմ գովթ է Արովյանի մասին, այստեղ բացահայտվում է Արարատյանի անկեղծ իացմունքը դեպի դասընկերը:

«Իմ բարեկամ, իմ հոգեկից,
Որեկ, այսօր մինչ ցօր ելից»:

Այսպես է սկսում ոտանավորը և ապա ամուսնության առթիվ բարեմաղթություններ կատարում:

Ուշագրավ է Առաքել Արարատյանի մի շարք խորհուրդները և բարեմաղթությունները Արովյանի ու էմիլիայի ապագա կյանքի մասին: Նա հարևան-ցիորեն խոսելով «կենցաղական», ընտանեկան հոգսերի, անհամաձայնությունների, անախորժությունների մասին, իր գովարանած զույգին ընծայում է «վահան համբերության», «դրոշակ արիության» արտահայտությունները, կարծեք որոշ երկյուղ է կրում նրանց ապագայի նկատմամբ:

Այս տեսակետից կարևոր են հատկապես ոտանավորի վերջին հետևյալ տողերը.

«Յայս նորահրաշ զձեզ տեսանեմ տեսարանի
Զիմ Խաչատուր, զէմիլիա բաջ գեղանի
Մաղթեմ հոգևով բոլորասիրտ բարեկամի
Անպարտ կալ ձեզ յաներեւոյթս պատերազմի:
Քո՛ւ էր իմ սիրտ, ձեր եղիցի յայսմ հետե
Մի՛ հրաժարիք յայսմ խոնարհ պատարապե.
Ցորչափ կամ ես, յաւանդ ուէր իմ առ ձեզ կալցէ,
Այսմ ո՛չ մարդ, այլ հրեշտակ վկայեսցէ»¹

Արարատյանի ակնարկած «աներեւոյթ պատերազմի» փաստը արդյոք որևէ ակնարկությո՞ւն է Արովյանի շուրջ ստեղծված ծանր մթնոլորտի մասին. ինչ սոսկ մի սովորական բարեմաղթության ձև է. դժվար է ասել. Արարատյանը, որը և Արովյանի նշանախոսության վկաներից մեկն է եղել, իր ոտանավորի վերջին տողերով ուխտել է մինչև կյանքի վերջը մնալ հավատարիմ նյութն ու պաշտպանել նրան ամեն ինչից:

Ոտանավորներից պարզ երևում է, թե ինչպիսի ջերմ սեր է ունեցել Առաքել Արարատյանը Խաչատուր Արովյանի նկատմամբ. Այն կարծիքը, թե Արարատյանի—Արովյանի փոխհարաբերությունները քառասունական թվականներին լավ չեն եղել և Արարատյանը պատճառ է դրձել «նախաշավիղի» խափանմանը, հիմնականում հիշա լինելով հանդերձ, կարիք ունի որոշ վերանայման:

¹ Նկատի ունենալով, որ Արարատյանի հիշյալ երկու ոտանավորները անդ չեն գրած և Արովյանի «Դիվանի» ոչ Ա. և ոչ էլ Բ. հատորներում, մենք զբաղվում ենք ընթերցողին այս հոդվածի վերջում:

Տեղեկագիրք 9—7

Անհամեմատ ավելի հետաքրքրական է և կարևոր Արուսյանին նվիրված երկրորդ ոտանավորը, որը վերնագրված է «Խաչատուր Ավետիքեան Ապովեանց»:

Հիշյալ ոտանավորը չափածո ձևով նկարագրում է Արուսյանի կենսագրությունը ու ջերմ կերպով գնահատում է նրա արժանիքը և մատուցած ծառայությունները հայ ժողովրդին և հայ գրականությանը և մի քանի նոր լուսարանություններ է տալիս Արուսյանի կյանքի և գործունեության հետ կապված, լուսարանություններ, որոնք մինչև այժմ անհայտ են եղել:

Հիշյալ ոտանավորում մեր ուշագրությունը գրավեցին հատկապես հետևյալ կետերը.

1. Վերնագրված է Խաչատուր Ավետիքյան Արուսյանց: Արդյոք այս փաստը մի նոր հիմնավորում չէ՞ այն վերաբերյալ, որ Արուսյանի հոր անունը եղել է Ավետիք և ոչ Հարություն: Ինչպես հայտնի է, արուսյանագիտության մեջ երկար ժամանակ վեճ է եղել Արուսյանի հոր անվան շուրջը, հենց Արուսյանի ձեռագիր վկայություններով իրենց թեզը փորձել են հաստատել թե Ավետիքի և թե Հարությունի կողմնակիցները: Բազմաթիվ տեսակետերով հիմնական նրվանդ Շահազիզը՝ հենվելով մի շարք տվյալների վրա, այդ թվում և Արուսյանի ժառանգներից Հևոն Արուսյանի գրավոր հաղորդման վրա՝ պնդել է, թե Ավետիքը եղել է Արուսյանի հորեղբայրը, իսկ Հարությունը՝ հայրը:

Խաչատուր Արուսյանի «Թիվանում» հրատարակված է Արուսյանի ծնոգների այն նամակը Արուսյանին, որի տակ շատ որոշակիորեն ստորագրված է հռոկերայր Բ՝ Հարություն ու հայր՝ Ավետիս Արուսյանց»: Անհավանական չէ անշուշտ, որ նկատի ունենալով իր հորեղբոր խանդավառական և գուրգուրալի Վերաբերմունքը, Արուսյանը նրան կոչեղ հայր, սակայն միանգամայն անիմաստ կդառնա, երբ նամակի տակ հորեղբայրը իրեն դարձնի Հարություն և հայրը Ավետիս: Մեզ թվում է Արուսյանի դասընկեր Արարատյանի հիշյալ ոտանավորի վերնագիրը ևս խոսում է հօգուտ Ավետիքի:

2. Ոտանավորը տալիս է կենսագրական ուշագրավ մի փաստ ևս, որը մինչև այժմ հայտնի չի եղել և չի հիշվել նրա մասին գրված կենսագրական աշխատություններում: Արարատյանի ոտանավորից տեղեկանում ենք, որ Արուսյանը Թիֆլիսի «Նունյաց» դպրոցում ուսուցչական աշխատանքի է հրավիրված եղել փոխարքա Վորոնցովի կնոջ միջնորդությամբ:

Դարձյալ այդ ոտանավորից երևում է, որ այդ հրավերը կատարվել է Արուսյանի անհայտացումից մի քանի տմիս առաջ, այսինքն այն օրերին, երբ արդեն որոշված էր Արուսյանի գալստական դպրոցից արձակվելը: Թիֆլիսի Նունյաց իգական դպրոցը հիմնված է 1846 թվականին: Այնտեղ սովորում էին վրացի, հայ, ռուս, ադրբեջանցի և այլ ազգության աղջիկներ:

Արուսյանի կենսագրությունից հայտնի է, որ նրա բազմաթիվ գիմումները Երևանի գալառական դպրոցից ազատ արձակվելու մասին ունեին հիմնականում երկու պատճառ: Նախ էջմիածնում և Երևանում նրա շուրջ ստեղծված անտանելի միջոցառումը, որ նրան մղում էր հուսահատության և միտք կոդմից, նրա կնոջ՝ Էմիլիայի ցանկությունը ապրել Թիֆլիսում: Մյուս կողմից այդ թվերին Երևանում Արուսյանի համար դժվար էր մի այլ պաշտոն որոնել: Պարզվում է, որ Թիֆլիսի Նունյաց դպրոցի ծրագրով և նույն նպատակներով

դպրոցներ են լրացվել նաև Բուխարյանում, Շամախում և Երևանում: Երևանի դպրոցը, որ կոչվել է «Հռիփսիմյանց իզական վարժարան», բացվել է արդեն Արովյանի անհայտացումից երկու տարի հետո՝ 1850 թվականին և հասկանալի է, որ Արովյանը չէր կարող այնտեղ պաշտոնավորել:¹

Արովյանը իր կենդանության օրերին որևէ դեր կատարել է Հռիփսիմյանց դպրոցի բացման ուղղությամբ: Դժբախտաբար ոչ մի վկայություն չկա, սակայն անհավանական չէ, որ նա այդ ուղղությամբ աշխատած լինի և զբաղի նրա դիմումներով է, որ Թիֆլիսի փոխարքան համաձայնություն է տվել Երևանում հսկական դպրոց բաց անելու:

Այս ոտանավորում Արովյանը, — որը Արարատյանին ներկայանում է որպես նրա «հոգևուն համշիրակներին մեջ ամենից աչքի ընկնողը», — գծագրված է այսպես՝

«Քանքարաճոխ, ուշիմապանծ

Շողափայլեր ըստ անգին ականց»:

Արովյանի կենդանության ժամանակ նրա շուրջ քալ լուսություն են պահպանել և հալածանք են սկսել նրա հակառակորդները ու այդ էլ հենց վկայում է Արովյանի մեծությունը: Իսկ առաջավոր ինտելիգենցիան, նրա ընկերները դեռևս այդ տարիներին տեսել են Արովյանի մեջ մեծ լուսավորչի, բազմակողմանիորեն զարգացած մի պայծառ դեմքի, որը արդեն գծագրել էր իր տեղը և հայ հասարակական կյանքում և հայ մտքի զարգացման պատմության մեջ:

Արարատյանը, որ այդ ոտանավորում ասում է թե մագնիսական զորություններ ձգված է եղել դեպի Արովյանը և միշտ հարդել է նրան, ամենաջերմ ու անկեղծ տողերով նկարագրելով Արովյանի կյանքի հիմնական ուղենշային դեպքերը, Պարոտի հետ նրա Մասիս սարը բարձրանալը, Դուրպառ գնալը, Թիֆլիս վերադառնալը և մանկավարժական աշխատանք կատարելը և այլն, խոսում է նաև Արովյանի ոչ միայն մանկավարժական, այլև դրական արժանիքների մասին:

Արարատյանը մեծ գնահատական է տվել նաև նրա գավառական դպրոցի տեսչի պաշտոնին:

«Եղև տեսուչ քաջ և արի

Նահանգական վարժարանին»:

¹ Զարմանալի էերպով Երևանի կրթական կյանքով զբաղվողներին և ու մեկը մինչև այժմ չի խոսել Հռիփսիմյանց իզական դպրոցի մասին, որը գործել է 1850 թվականից և ավել է մի շուրջ շրջավարաններ, «կավագուկի կալենդարի» այդ թվերի համարները ցույց են առնում, որ 1852—53 ուս. տարում այնտեղ սովորել են 28 աղջիկներ, որոնցից 11-ը հայեր, 10-ը ռուսներ և 7-ը ադրբեջանահայեր: Բացի «կավագուկի կալենդարից» Երևանի Հռիփսիմյանց վարժարանի անվան հիշատակմանը մենք հանդիպեցինք «Արշալույս Արարատյանում», որտեղ ապագրված է Իդմիրի համանուն դպրոցի աշակերտահայերին մեկի՝ Տիգրանուհի Շահինյանի ուղերձը ուղղված Երևանի Հռիփսիմյանց վարժարանի աշակերտահայերին:

Այստեղ խոսքը չի վերաբերում անշուշտ միայն դասավանդմանը և ուշակերտների ուսուցմանը, այլ նաև այն կուլտուրական, հասարակական աշխատանքին, որ Արովյանը կատարել է նահանգական դպրոցում:

Թիֆլիսում հրատարակվող «Կովկաս» թերթի մի տեղեկությունից իմանում ենք, որ 1847 թվականին, այսինքն Արովյանի գործունեության վերջին տարում, Երևանի գավառական դպրոցում բացվել է հատուկ թանգարան, որտեղ կենտրոնացվել են Հայաստանի հանքային հանածոներից նմուշներ և նույնիսկ հնությունների բեկորներ: Եվ այդ թանգարանն են բերվել արդեն Տրդատ թագավորի տաճարի սյուների մասերից մեկը:¹

Այս թանգարանի բացումը, որը ըստ էության Հայաստանի առաջին թանգարանն է հանդիսացել, անվիճելիորեն կապվում է Արովյանի անվան հետ: «Կովկասի» տպած ինֆորմացիայի մեջ Արովյանի անունը չի հիշատակված, սակայն, մեր կարծիքով, գուցե այդ կատարված է ցենզուրական նկատառումներով, որովհետև առհասարակ «Կովկասում» Արովյանի անունը չի տպագրված, նույնիսկ նրա «Աղելաիդա» թարգմանական պիեսի հրատարակության առնչությամբ: Ո՞վ կարող էր 1847 թվականին գավառական դպրոցում կատարել այդպիսի մի կուլտուրական խոշոր ձեռնարկում, քան բազմակողմանիորեն զարգացած, հայ ժողովրդի անցյալի պատմությանը հմուտ նրա տեսուչը:

Որ Արովյանը բացի գրական, մանկավարժական աշխատանքից Երևանում կատարել է հասարակական խոշոր աշխատանք, շփվել է Արարատյան նահանգի բոլոր գավառների հետ և ամեն տեղ օգտակար խորհուրդներ տվել, օգնել կուլտուր լուսավորական գործին, այդ երևում է թե Պոռչյանի հուշերից, և թե Առաքել Արարատյանի հետևյալ տողերից.

«Ո՞վ բաց վազեաց նա Երևան
Հանել և անդ զշնորհս յերևան.
Ուր զամս հինգ զգիւղ, զաւան
Արար ջանիւք իւր գոհ հաւան»:

Նվագ ուշագրավ չեն այն տողերը, որ Արարատյանը նվիրել է Արովյանի անհայտ բացակայությանը: Ըստ Արարատյանի՝ մինչդեռ Վորոնցովի կնոջ հրավերից հետո նա պատրաստվում էր մեկնելու Թիֆլիս.

«Ի գիշերի ընդ արշալոյս
Երրորդ աւուր ապրիլ ամսոյս
Յանկարծ կարու իմ Ապովեան
Թափուր թողեալ զիւր ննջարան»:

Արարատյանը մեկ առ մեկ թվարկում է այն բոլոր ենթադրությունները, որ եղել է Արովյանի անհայտացման ռեբրին: Ըստ Արարատյանի բոլորի համար անորոշ է մնացել թե արդյոք ձախորդությունն է, որ նրան «անակնկալ խլեալ բառնա», թե սպանվել է թշնամիների կողմից:

Սրտի մղկտոցով արձանագրելով այս բոլորը, նա զարմանում է, թե մի-թե աշխարհը այդպես պետք է վարձատրեր այնպիսի մի խոշոր մարդու, ինչ-

¹ Այս մասին տես նաև «Դիվան Խ. Արովյանի», Ա. Կատոր էջ 182:

պիսին էլ, և Արովյանը ու մխիթարվում է նրանով, որ անհայտանալով Արովյանը, չի անհայտացել Արովյանի գործը և որ նա թողել է իր որոշակի ազդեցությունը: Եթե անգութ հողմը ցրել տարել է Արովյանին ու կորցրել, սակայն թողել է այն սերմերը, որ Արովյանը ցանել է ժամանակի երիտասարդներին մտքի մեջ: Իվ այդ նոր աճող երիտասարդներն էլ իրենց ապագա գործունեությամբ հավերժ կթող են կանգնելու հաշատուր Արովյանի հիշատակին:

Ավելի կարևոր է Արարատյանի պատկերացրած երկրորդ կոթողը, որ արդեն վերաբերում է Արովյանի գրչի վաստակին.

«Բաց յայսմանէ երկունք գրչին
Մինչ ընդ մամուլ խոնարհեսցին,
Անջինջ արձանք նմա լիցին.
Երախտագէտ սիրտս՝ ազգին»:

Առաքել Արարատյանի մեր հիշատակած ոտանավորը ըստ էության հայ իրականության մեջ առաջին փաստաթուղթն է, որ կարողացել է գնահատել անմահ Արովյանի արժանիքները և չել նրա տեղը հայ գրականության մեջ: Հենց այս տեսակետից էլ առանձնահատուկ ուշադրության արժանի է այն:

Ստորև բերում ենք Արարատյանի վերոհիշյալ երկու ոտանավորները ամբողջությամբ:

Առ նորապսակ Խաչատուր Ապովեան
ի 14 սեպտեմբերի 1839 ամի, ի Տփլիս

Բ՛մ բարեկամ, իմ հոգեկի՛ց
Իրէկ, այսօր, մինչ ցօր ելից:
Թէ յաշխարհի կայցէ վիճակ Աստուածահաճ,
Ամուսնութիւն յայնմ դասիւ է միշտ յառաջ.
Զորոյ արմատ անկեաց յեղեմ Տն. իմոյ աջ.
Մշակելով ինքնին արար զնա բարգաւաճ:
Ի գիրկ անմեղ, ի սէր, համբոյր քաղցրիկ ամլոց
Խնդան երկինք, և զօրհնութիւն ցօղեն յամպոց.
Իվ մինչ շրջին լինել զննին բնութեան գեղոց
Սփռէ երկիր զծաղկունս բաղդի զոտիւք նոցունց:
Ընդ այս արծիւ պարէ սրաթև ի վեհ կամար,
Եւ տիրաբար քառաջ կարդայ զիւր կամարար.
Թռչուն երգնակր գեղափետուրք փութան ի պար,
Տօնել զպսակ նոր ամուսնոց ջերմ. տիրափար:
Զի քաջամարտք ասպարիսել հանդիսանսն.
Ճեպեն ցրել զդիմադրութիւնս կենցաղական.
Ուստի մին տայ նոցա վահան համբերութեան,
Լիւսն սուսեր և դրօշակ արիութեան:
Կուռ և վառեալ բոլորովին զէն յարքենի,
Յաջ և յահեակ յաղթին զմարտս աշխարհի,

Գերապայծառն մրցանակ անդ պատրաստի,
 Ուր ամենայն ճիգն և քրտունք նոցա ուղղի:
 Յայս նորահրաշ զձեզ տեսանեմ տեսարանի
 Զիմ հաշատուր, Զէմիլիա քաջ գեղանի.
 Մաղթեմ հոգսով բոլորասիրտ բարեկամի
 Անպարտ կալ ձեզ յաներևոյթս պատերազմի:
 Քո՛ւ էր իմ սիրտ, ձե՛ր եղիցի յայսմհետէ.
 Մի՛ հրաժարիք յայսմ խոնարհ պատարագէ.
 Զորչափ կամ ես, յաւանդ սէր իմ առ ձեզ կայցէ.
 Այսմ ո՛չ մարդ, այլ հրեշտակ վկայեսցէ:

Բարեկամ ձեր և խոնարհ ծառայ Ա. Արարատեան

Խաչատուր Ավետիսեան Ապովեանց

Հատեալ ի ստեանց ուսման դրաց
 Նախածնող հօրս որբոց
 Բ Պաւղոսի մտի կըրթոց.
 Քերթողութեան դիել զծուծ
 Ուր հոգեսուն համշիրակաց
 Մի էր խաչիկն իմ Ապովեանց
 Քանքարաճոխ, ուշիմապանծ
 Շողափայլէր ըստ անգին ականց:
 Երկաթաբար ես ընդ նմա
 Սրտէ ի սիրտ մագնիսեցայ.
 Թէ դէմ առ դէմ և թէ քացեայ
 Յարգել զնա ոչ վերջացայ:
 Ել ի Մասիս, և էջ անտի
 Ընդ բանիբունն Պարբօտի.
 Ուսման ծարաւ ըստ կարօտի
 Անց ի Դօրբփտըն Լիֆլեանդի:
 Ուստի դարձեալ յաշխարհ Տփլեանց
 Յետ քառամեայ պանդխտութեանց
 Որպէս մեղու փեթակ ի մտաց
 Գանձեալ խորիսխս մեղու ուսմանց.
 Եղև յագուրդ սովեալ մանկանց
 Ըստ Եվրոպեան գիտնականաց,
 Վարդապետեալ յոճ դիւրիմաց,
 Բացեալ զոսկի հանքս համբակաց:
 Եղև տեսուչ քաջ և արի
 Նահանգական, վարժարանի.
 Ընդ էմիլիայ օրիորդի
 Զուգեալ ծնաւ Վարդան որդի.
 Ի Վրաց վազեաց նա յերևան,
 Հանել և անդ զշնորհսն յերևան.

Ուր զամս հինգ զգիւղ, զաւան
 Արար ջանիւք իւր գոհ, հաւան:
 Գոգ քան զքառորդ միոյ գարու,—
 Ինձ հոգեկից այրն մեծարու:
 Թէ ի ժամու, տարաժամու
 Եղէ նմա ձեռնկալու:
 Ըստ հաճութեան Տիկնջ մեծի
 Փոխարքային Վօրօնցովի
 Ի դպրոցի նունեայ Կուսի
 Նշանակեալ պետ մեկ ուսի:
 Մինչ պատրաստեալ ի շու յայսկոյս
 Առեալ զտուն, զամենայն գոյս
 Ի գիշերի ընդ արշալոյս
 Յերրորդ աւուր ապրիլ ամսոյս
 Յանկարծ կորեալ իմ Ապովեան
 Թափուր թողեալ զիւր ննջարան ⁽¹⁾
 Ի յոյզ մատեալ քաղաքն համայն
 Յիշխանաց իւր առեալ հրաման:
 Անմարդայայտ անհետանայ:
 Ամենեցուն թագուն մնայ:
 Զախորդութիւն թէ ի՞րր զնա
 Անակնկալ խլեալ բառնայ:
 Աղօտ կարծիք եղև ոմանց,
 Թէ սպանաւ նա յայլ ազգեաց:
 Խորեալ ի հոր ինչ արմտեաց
 Գազանասիրտ յանօրինաց:
 Այսպէս աշխարհ վարձատրեաց
 Զարժանայարգրն Ապովեանց:
 Յամենայնէ հանեալ ի բաց
 Միսասովոր մեծարանաց:
 Քահանայից ի մաղթանաց,
 Ի փրկագործ պատարագաց,
 Յերգոց նուագաց, ի սաղմոսաց
 Սարկաւագաց, կղերց ժամասաց:
 Եւ յողջունէ ընդ իւրոցն՝ յետնոյ:
 Ի պատանէ, ի բուռն զետնոյ:
 Ըստ շնաշխարհիկ ընտրեալ գիտնոյ
 Զառեալ ինչ շուք ի ստորնոյ:
 Գուցե սուրբ մայրն էջմիածին
 Խնդրեաց վրէժ ուխտաւորին:
 Որ վասն ուսման շեկաց ի նմին,
 Մտեալ վիճակ յաշխարհային:
 Եւ կամ Մասիս ցասեալ պատժեաց,

¹ Այս եղև յամի 1848.

Որ զինքն երկիցս ոտնակոխեաց.
 Կամ Քանաքեռ անէծս կարդաց¹
 Լքեալ նորայն ի շնորհաց:
 Զայս լսելով մի՛ դիտակարծ,
 Թէ զերբ հողմ՝ զծովս բաղդ զնա ցնդեաց.
 Սերմրն ուսման, զոր նա ցանեաց
 Յանդս մտաց պատանեկաց:
 Բուսեալ, աճեալ պտղաբերեաց,
 Ոչ սակաւուց քիմս անուշեաց.
 Յաւժական յիշատակաց
 Եղեալ կոթող տնմահ փառաց:
 Բաց լայսմանէ երկունք գրչին
 Մինչ ընդ մամլով խոնարհեսցին,
 Լկնչինչ արձանք նմա լիցին.
 Երախտագէտ սիրաս ազգին:
 Թո՛ղ սնաբանք կարկատեսցեն
 Զի՛նչ ե կամին բարբառչեսցեն....
 Զի՛ մարգարիտ՝ աքաղաղին,
 Կուտ նորա է անարգ գարին,
 Էշն ի՛նչ գիտե զարմաւոյ գին,
 Եւ կամ դատել զձայն սոխակին:
 Լկսպէս իմա զպարսաւադրաց
 Անձնանունը ազգասիրաց:



¹ Քանաքեռ գիւղ մերձ ի քաղաքն Երեւան՝ հայրենիք է Խաչատուրյ Ապովեանց: